

conta', et bona parte di tuto il visentim. *Item*, altre particolarità scriveno li provedadori. E nota. Fo dito che sier Christofal Moro e sier Andrea Gritti, provedadori zenerali, tra l'horò haveano fato parole, *tamen* per colegio non se intese 0 al pregadi.

179\* *Di Treviso, dil podestà e provedador zenerał.* Dil zonzer li le zente d' arme, e di provision fate, e altri homeni di Venecia posti a le porte. *Item*, che sier Antonio Donado, *quondam* sier Zuanne, era podestà di Bassan, era zonto li e abandonato la terra, senza perbò veder i nimici, e cussì havia fato sier Zuam Falier, di sier Francesco, provedador, ad Axolo, et era venuto li, a Treviso. Tutto il paese era in fuga, e altre particolarità.

*Di sier Antonio Zustignan, el dottor, orator nostro, date a Doblacho, a dì 9.* Chome era stato insieme con quelli do deputati regij, et li nomina; et chome uno di l'horò haveano dito di l' amor ha portato la cesarea majestà a questa Signoria, nominando tutti li oratori l' à 'uto, e il cardinal, e il elector di l' imperio, e poi *etiam* toltoli dil suo, *videlicet* Trieste e Goricia, mandò quel Zuam Rauber *etc.*, et justificò l' imperador che non poteva star in guerra con il re di Franza e con la Signoria, e quanto aspetava a fa acordo, prima non si parlasse contra Franza, perchè soa majestà non vol romper di la fede data. Ma expostoli poi, la Signoria esser contenta darli censo annual di le terre tenimo, et danari per la investitura, fono contenti ad ascoltar, et poi disseno che il papa li havia porto mior partito, *videlicet* la Signoria avesse *solum* Padoa e Treviso con li territori, et il Friul e Civald e Feltre et *reliqua* fusse soto l' imperador; et l' orator nostro justificò la Signoria *etc.* Or diti oratori concluseno, scriveria al re, et *etiam* anderiano a referirli quanto li havia exposto, et li daria poi la risposta, e aspetasse. El qual re se ritrova . . . . ., et va a caza. *Item*, esser zonto uno novo orator di Franza, li. *Item*, apresso soa majestà esser uno orator di Spagna et uno de Ingaltera, con altre particolarità, *ut in litteris.*

*Etiam* gionse uno Zuam di Arzentina, marchadante di fontego, venuto con salvoconduto di l' imperador a marchadantar con robe, dice, spera le cosse si acorderano, e aver visto dito orator nostro con uno episcopo, deputato regio, con XX cavalli. *Item*, l' imperador era a Persene et andava a la caza, e de li non si parlava di guerra, nè si feva motion alcuna.

Noto. A dì 7 dito, se intese, il papa aver mandato uno suo nontio a Fiorenza per caxon di farli render Monte Pulzano, è in man di senesi, per aque-

tar quelle cosse, e fe' per gratuir fiorentini, acciò non ajuti al concilio, si fa a Pisa; e *tandem* fiorentini ebene, d' acordo, dito Monte Pulzano, e andò a tuor il ' possesso, a nome di essi fiorentini, uno cittadino, chiamato Ormanozo Deti.

† 1511, a dì 10 agosto, in gran consejo. 180

Questi sono quelli si hanno posto a la pruova di andar a Padoa o Treviso, dove parerà al colegio, per doi mexi, a sue spexe, con cinque homeni per uno, e poi, al primo di octubrio proximo, intrino 40 zivil, et *successive* criminal, non obstante siano debitori, justa la forma di la parte presa im pregadi, e ozi in questo consejo; dil qual numero balotado, ne doveva rimanir 40, a uno per caxa, et passò *solum* numero XXVI.

*Posti a la pruova.*

	Sier Hironimo da Leze, di sier Francesco, da S. Samuel . . . . .	506.631
	Sier Marco Minio, fo castellan a Riva, di sier Filippo.	357.759
	Sier Hironimo Emo, di sier Cabriel, <i>qu.</i> sier Zuam, el cavalier . . . . .	380.727
	Sier Alvixe Zivram, fo a la ternaria vechia, <i>qu.</i> sier Piero . . . . .	550.576
	Sier Piero Zane, fo capetanio di la citadela di Zara, <i>qu.</i> sier Andrea . . . . .	455.677
Trevixo.	†. Sier Lodovico Querini, fo zudexe di examinador, <i>qu.</i> sier Giacomo . . . . .	660.419
	Sier Francesco Baxejo, fo a l' asedio di Padoa, <i>qu.</i> sier Piero . . . . .	453.642
	Sier Donado Michiel, fo podestà a Ruigno, di sier Francesco . . . . .	314.751
Padoa.	†. Sier Lunardo Bembo, fo cammerlengo a Napoli di Romania, <i>qu.</i> sier Francesco	564.518
	Sier Hironimo Sagredo, <i>qu.</i> sier Marco . . . . .	380.682
	Sier Marco Venier, fo podestà a Grisignana, <i>qu.</i> sier Zuane, <i>qu.</i> sier Marco, <i>qu.</i> sier Antonio, el cavalier, provedador . . . . .	387.671